



# 感化富貴人經

無我

## 節錄大寶積經第九十五卷

### 一、前奏

昔佛於菩提樹下初成道時，開口第一句便云：「奇哉！大地一切衆生，皆有如來智慧德相。但以妄想執著，不能證得」。此中所言，有二意義，似乎是說：人人皆是現成佛，個個都可轉法輪。又曰：日思夢想全是癡，朝生暮死永不悟。此妄想與執著兩個魔鬼，便令一切人類，陷溺於名利場中，汨沒於生死海裏，哀呼慘叫，無由出離！此孔子謂：「仁者以財發身，不仁者以身發財」。又曰：「仁者宜在高位；不仁而在高位，是播其惡於衆也」。不知是上帝在向人開玩笑，抑或是仁者却偏命苦，竟令不仁之人富而且貴，造成此八苦交煎的社會？徒喚奈何！此佛謂：「如是衆生，顛顛倒倒，終不度脫，實堪悲愍」！故且莫說什麼民主政治，自由思想，說是最高之文明，不易之真理。而若不聞佛法，便亦只如夜行之人，假使無慧炬在前引導，智人於後扶掖，其不墮坑落堦者幾希！此本經之言波斯匿王，固為一世之雄。若照俗言，誠是貴為天子，富有四海，人生至此，於願已足。然而却不料竟被人呵斥，說其是世間上最窮苦之人，豈不令其氣餒？須知世間一切有形之物質與勞力，生不帶來，死不帶去，一瞬不起，萬事皆休，有何可戀？而出世間高深無形之功德與智慧，既無憂患，亦無生滅，湛然常住，永世猶存，豈不甚佳？故讀書應讀佛經，方可領悟其中之哲理，藉作人生之指南。其庶幾始不被人笑其雖讀萬卷之書，實祇是一些教獠升木之學，成事不足，敗事有餘，到頭來還是一無所得，只徒齷齪而終，豈不可嘆！茲因愛本經頗契時機，富於感化，用特為之翻板，抄錄如次：

### 二、自行

「爾時善順菩薩，為令衆生見佛聞法，與諸人衆，前後圍繞，將詣佛所。時天帝釋，以淨天眼，見此菩薩，住止精進，行頭陀行，具淨尸羅，弘濟堅固。便自念言：「今此善順於諸梵行，曾不懈怠，將不為求帝釋處耶？或貪王位及欲樂耶？」作是念已，即便化作四丈夫身，至菩薩前，種種惡言，毀罵菩薩；復以刀杖及於瓦石，打擲加害。爾時菩薩住慈忍力，皆忍受之，曾無瞋恨。

### 甲、殺害

時天帝釋，復更化作四大丈夫，來語菩薩：「咄哉善順！彼諸惡人，以不善言罵辱於汝，及以瓦石刀杖之屬橫相打害。何不令我為汝報讐？我當為汝斷彼命根」。爾時菩薩告彼人言：「善男子等！莫作是語。若殺害者，成就惡業。假使有人，於我此身節節支解，猶如菓葉，我終不生殺害之心。何以故？殺害之人，墮於地獄，餓鬼畜生。乃至雖得人身，所生父母，猶不愛念，恒為衆人之所憎惡。善男子！一切諸法，凡有二種：一者善法，二者不善法；由不善法，墮於惡趣；若依善法，獲於福利」。爾時善順菩薩欲重宣此義，而說偈言：

善惡猶種植，皆隨業所生，何有苦子因，成熟甘果者？  
現見法如是，智者應思惟，苦報酬惡緣，為善常安樂。  
爾時天帝所化之人，聞是言已，自念不能令彼菩薩為殺害業，忽然不現。

### 乙、偷盜

爾時天帝，復更化作金銀寶聚，令諸丈夫至

### 丙、妄語

爾時天帝，復自親試，持俱底金，至菩薩所，作如是言：「我先於此舍衛大城波斯匿王，與餘丈夫有所評論，須得一人為我曲證。汝能為我作證人者，當用此金，而以相奉」。爾時菩薩告帝釋言：「仁者當知！夫妄語者，為不善業。既誑自身，亦誑天龍夜叉，乾闥婆、阿修羅、迦樓羅、緊那羅、摩睺羅伽。由於妄語，能為一切惡之根本；趣不善道，毀清淨戒，能壞色身，口氣常臭，所出言詞，為人惡賤」。爾時菩薩重說偈言：

妄語之人，口氣常臭，入苦惡道，無能救者。  
夫妄語者，誑於自身，亦誑天龍。摩睺羅等。當知妄語，為諸惡本，毀清淨戒，死入三塗。汝設與我，滿闍浮金，我終不能，作於妄語。  
時天帝釋，聞說是已，忽然不現。

### 丁、淫欲

爾時天帝復令舍文夫人，日光夫人，及於五髻諸夫人等，往菩薩所，重加試練，壞其禁戒。時舍文等，即與五百盛年女人，以香塗身，花莊藻飾，於後夜分，至菩薩前，而作是言：「我等女人，年色殊盛，願親枕席，相與為歡」。爾時菩薩以無染眼，觀彼諸女，告之曰：「地獄畜

生聞羅王界，諸狂亂者，不正心者，耽昏臭穢，膿血不淨。愛惡羅刹，是汝親友，非諸天人清淨眷屬。爾時菩薩重說偈言：

愚人昏迷念不淨，耽染臭穢膿血身，諸欲迅滅歸無常，永沉地獄閻羅界。假令變化如汝等，色身殊勝滿世間，我無一念貪染心，常生如夢如幻想。

時舍支等，雖盡變態，而彼菩薩，曾無貪染。各還天宮，白帝釋言：「我觀善順志願堅固，當成正覺，無有疑也。所以者何？彼於我等，無少貪愛，但生厭離。」

### 三、化他

爾時善順菩薩於其晨朝，入舍衛城，遊化往來，得劫初時閻浮金鈴，其鈴價值，過閻浮提。爾時菩薩持此金鈴，於四衢中，高聲唱言：「此舍衛城，誰最貧窮？當以此鈴，而施與之。」

### 子、非貧

時有最勝耆舊長者，聞是語已，奔走而來，白菩薩言：「我於此城，最為貧窮，可持此鈴而施於我。」爾時菩薩語長者言：「汝非貧者。所以者何？於此城中，有善男子，貧中最貧，應以此鈴而施與之。」長者問言：「誰爲此人？」菩薩答言：「波斯匿王，於此城中，最爲貧者。」時彼長者，謂菩薩言：「莫作是說。何以故？波斯匿王富貴多財，庫藏盈溢，珍奇賄貨，用無窮盡，云何乃言貧中最貧？」爾時菩薩，於大眾中，以偈答曰：

設有伏藏千億餘，以貪愛心無厭足，猶如大海谷衆流，如斯愚人最爲貧。由此復令貪增長，展轉滋蔓相續生，於現在世及未來，彼無智者常貧賤。爾時善順菩薩說此偈已，與諸大眾，即便往詣波斯匿王之所。

### 五、最窮

於時彼王，方與長者五百餘人，算數校計庫藏財寶。菩薩爾時前白王言：「我於此城，往來遊化，得劫初時閻浮金鈴，其鈴價值過閻浮提。」

我於彼時竊作是念：於此城中有最貧者，當持此鈴而施與之。復更思惟城中最貧，莫過王者！今實此鈴，願以相奉。王既貧窮，爲我受之。」爾時菩薩作是言已，重說偈言：

若人多貪求，積財無厭足，如是狂亂人，名爲最貧者。王恒多賦稅，橫罰無過人，愛著於國城，不觀來世業。於世得自在，不能離羣生，見諸貧苦人，曾無憐愍念。

耽染於女人，不懼於惡道，邪亂未嘗覺，豈非貧窮者！若人知淨信，歸依佛法僧，於身及命財，常念不堅固；知不堅固已，於彼不迷惑，能於身命財，永得常堅固。若能勤念住，樂於不放逸，彼人名富貴，善財常安樂。如火焚燒時，不厭於林樹，王今亦如是，貪愛無厭足！水不厭於雲，海不厭於水，王今亦如是，何有厭足時？日月常巡歷，不厭於四方，王今亦如是，終命無休息！如火焚燒時，不厭於草木，智人亦如是，未嘗不行善。如水不厭雲，如海不厭水，智人亦如是，不厭善增長。王位雖自在，畢竟歸無常，一切皆不淨，智者應捨離。

爾時波斯匿王聞斯語已，內懷慚愧，謂菩薩曰：「善哉仁者！汝雖善勸，我猶未信。今汝斯言，爲汝自說，爲有證乎？」菩薩答言：「汝不聞耶？如來應正等覺，具一切智，今者現與無量天人，乾闥婆，阿修羅等，在於舍衛大城祇樹給孤獨園，當證大王是貧窮人。」王言：「仁者！若如汝說，我願相與往見如來，聽聞教誨，歸依供養。」菩薩答言：「大王當知！如來境界，非諸凡愚之所能測；破煩惱慢，哀愍眾生，已於聖智，能知此世，及未來世。若有善根勝業樂者，雖在極遠，佛常加護。若知我心，欲令大王於我生信，必當來此爲我作證。」爾時菩薩即於王前，偏袒一肩，右膝著地，合掌恭敬，即以偈頌請如來曰：

如來真實智，悲愍諸羣生，願知我深心，垂哀爲作證。

### 寅、作證

爾時菩薩說偈請已，於彼大地，忽然震裂。五百聲聞，十千菩薩，梵釋諸天；及於龍鬼無量衆生，圍繞如來，從地涌出。善順菩薩合掌恭敬，前白佛言：「世尊！我先於此舍衛城中遊化往來，得劫初時閻浮金鈴，其鈴價值過閻浮提。我於爾時，便作是念：若有衆生，於舍衛城最貧窮者，當以此鈴而施與之。復自思惟：波斯匿王，於此城中最爲貧者！何以故？特於王位，於諸衆生，未嘗憐愍；殘剝欺奪，橫加侵損，貪愛覆蔽，不知厭足。我以此王爲最貧者，故將金鈴而施與之。王問我言：謂我貧窮，誰爲證者？我又答云：如來大師應正等覺，捨離煩惱曠垢無餘，於諸衆生，悉皆平等，當爲作證。惟願世尊，示教利喜。」

爾時世尊，爲欲調伏波斯匿王，而告之曰：「大王當知！或有於法善順貧窮，王爲富貴；或有於法王爲貧窮，善順富貴。所以者何？身登王位，於世自在，金銀摩尼碑礫珊瑚，庫藏盈滿，當於此時，善順貧窮，王爲富貴。勤修梵行，樂淨尸羅，捨家多聞，離諸放逸；八齋五戒，弘濟無疲，有一於此，王實貧窮，善順富貴。王今應知：橋薩羅國一切衆生財物庫藏，比於善順五戒八齋堅固清淨，百分千分，不及其一；至俱胝分，亦不及一！」

### 卯、頌悟

爾時波斯匿王，親聞如來真實教誨，捨所僞慢，合掌殷勤，瞻仰善順，而說偈言：善哉摧伏我僞慢，當得如來最勝身，以此王位捨於汝，願恒爲汝苦提衆。我實貧窮汝爲富，今知此說非妄言，王位徒爲衆苦因，背於白法生惡趣！爾時波斯匿王說是偈已，白佛言：「世尊！我於今者，發於無上大菩提心，願於衆生安樂，解脫生死繫縛。我今願以財物庫藏金銀之屬，分爲三分，一分奉施如來世尊，及比丘衆；一分施與舍衛城中，貧窮苦惱無依怙者；一分財物留資

國用。凡我所有園池華果，悉願奉施最勝如來，並比丘眾，惟願世尊，垂哀納受！爾時憍薩羅國五百長者親斯事已，皆發無上大菩提心。

辰、說 法

爾時善順菩薩白佛言：「世尊！惟願如來，為諸大眾說於法要，令諸眾生遇如來者，為不空過。」爾時世尊，告眾人言：「善男子等！有三無量功德寶糧，於諸如來雖有稱說，猶不能盡，況於聲聞諸二乘等。何者為三？一者護持正法，二者發菩提心，三者勸諸眾生起無上願。復有三十二法，若善男子，若善女人能勤修者，則為見於如來不空過也。一者於諸如來生不壞信。二者護持正法令得久住。三者於尊重僧而不輕慢。四者於應供人恭敬親近。五者於愛於憎心常平等。六者恒於正法樂聞恭敬。七者安住寂靜離於誼鬧。八者於如來乘演說無倦。九者若說法時不為名利。十者志求真實如理勤修。十一施捨。十二持戒。十三忍辱。十四精進。十五禪定。十六正慧。十七於諸眾生隨樂護念。十八成熟眾生不忘失法。十九恒於己身善自調伏。二十以善法要調伏於他。二十一不染煩惱。二十二常樂出家。二十三住阿蘭若。二十四聖種喜足。二十五勤行頭陀。二十六捨不善法。二十七弘誓堅固。二十八爾若無懈。二十九植眾善本。三十常不放逸。三十一遠二乘見。三十二讚嘆大乘。」

巳、辭 施

爾時波斯匿王既親斯事，踴躍歡喜，便以二衣價值百千兩金，而以施於善順菩薩，作是言曰：「善哉仁者！願垂哀納。」善順菩薩告於王言：「大王當知！我於此衣，不應受之。所以者何？然我自有百柄之衣，恒掛樹枝以為箱篋，一切眾生無欺奪想。我既自身無慳恡心，亦令他人不生愛著，其有施者，名清淨施。時波斯匿王，復作是言：「汝若不受，願當為我以足踏之，令我長夜安樂利益。」爾時善順菩薩為於王故，即以雙足踏此二衣。時波斯匿王謂善順菩薩言：「今此之衣，便於汝身為我受訖，我何所用？」善順菩薩告於

王言：「汝持此衣，施於城中貧窮苦惱無依怙者。」爾時波斯匿王如菩薩教，持此二衣，會諸貧人而施與之。時諸貧人觸斯衣者，狂者得心，聾者得聞，盲者得見，根不全者，悉得具足。由於菩薩威神力故，彼時眾人俱發聲言：「我今以何報善順菩薩？」爾時空中有聲告曰：「諸人當知！善順菩薩不可以華香飲食為報恩者，唯當速發菩提心耳。」是時五百貧人，聞於空中有如是聲，咸說偈言：

我等今者，發菩提心，當成正覺，說諸勝法。於諸眾生，施以安樂，我樂菩提，得佛法故。

四、尾 聲

綜上經文觀之，可見人必自正，然后方可教人。未有己身不正，如今之貪污成風，好色是耽，上有所好，下必甚之，亦能成其修齊治平之業。此孔子謂：「其身正，不令而行；其身不正，雖令不從。」亦如孟子所謂：「身不行道，不行於妻子；使人不以道，不能行於妻子。」夫金銀

哭 斌 宗 導 師

吳 魁 奮

民國四十三年陰曆十二月二十六日，斌宗吾師，携帶着大批慰問品，蒞臨樂生痲瘋療養院棲蓮精舍，這是我第一次瞻仰吾師慈容，也是第一次聆聽他老人家的開示：他勉勵我們要勇猛精進，吃苦耐勞，和惡劣的環境與病魔奮鬥，不要喪志頹唐，挺起胸，抬起頭，勇敢地活下去……師語畢，我已喉酸鼻塞，流下了衷情感激之熱淚……

以後，每逢我灰心懈怠之時，老人的耿介良言，就繚繞於耳邊，這樣，我又抖擻精神，重新點燃智慧之燈，逐走了無明，老人與我，雖祇有一面之緣，可是他並沒有離開我，每思念他時，慈祥的影子，即示現於眼前，這也許就是「心有靈犀一點通」吧。

今日，天氣陰霾，凄風苦雨，窒息得人們透不過氣來，大陸的低氣壓又湧入了本省，氣溫驟然下降，我的老毛病——神經又在隱隱作痛，我緊閉雙扉，輪臥於病榻上，信手抓到了今天的中央日報，慢慢地翻閱着，突然吾師圓寂之字跡，出現於紙上，我驚駭萬分，猛力爬起，跳下床，打開窗戶，不信任地用手揉了揉眼睛，再看時，一點也沒有錯，字裡行間在清楚地告訴我，這時，我感到頭暈目眩，眼前一片漆黑，仰望長天，欲言無語，而今而後，弟子等，又以何人為依皈？嗚呼！吾師西歸矣！這是弟子們的不幸，亦是佛教界一大損失，此時此地，妖霧囂張，正法式微，魔子魔孫恣意橫行之際，師之與世長辭，如高山之崩潰，樑木之損折，怎不使人悲痛欲絕，潸潸而淚下耶？！

民國四十七年四月十日，於新民舍。